

茲號認爲老開紙

中華民國七年

第柒拾肆號

雲南省長公署印行

本週刊例

- 一 每星期出二大張
- 一 土曜日發行
- 一 概不零售
- 一 四週作一月計
- 一 每月定價銀壹角
- 一 半年收銀伍角
- 一 全年收銀壹元
- 一 郵寄每份月加費三分

雲南實業要聞週刊

本號目錄

- 論墾荒
- 茶園培植改良
- 烘雞鴨法

本省實業近事
法蘭西遠東總公司成立紀事

△論說▽

◎論墾荒

今荒地相望。草萊未闢。米珠薪桂。民食維艱。其有待於開墾至亟。正爲有待於墾闢。而後有利可圖。此理至淺。毋事多贅。然墾荒之成敗。未嘗無因。即經營法是也。

一曰資本。資本非徒以巨額爲貴。首當與土地相稱。地積廣大。資本從而增加。又當與所持之宗旨相應。如欲圖速效之近利。則資本以足用爲度。不必過多。倘欲謀久遠之大利。則資本須較鉅。最善之投資方法。莫若分年投下。遞年不輟。約三年或五年後。收入漸加。則不須再行投下資本矣。

一曰得地。土地之選擇。亦有種種項目。如氣候則以寒熱之相差甚少者最宜。沿海地方。遠勝於山岳中。附近森林者。遠勝於荒野。交通則以接近都會商埠。及鐵路車站。或河川之沿岸。生產

物得自由運搬者爲宜。地形則須大致平坦。然其間有高坵濕地者。於放牧種植。可因宜行之。地力則若廣大之面積。而更求其肥美者。殊非易事。但能植根葉類（即蘿葡蕪菁）者已足。其土質爲腐殖壤土。或砂質壤土爲佳。樹木則原係林野者。每畝須酌留二三株。但如林木密生者。乃需開墾費甚巨。野草則視其種類及其生長情形。可直接表示其土地之肥瘠。例如柔軟者。其土沃。疏剛者。其土瘠。野草發生無多者。其土極瘠。水利則荒地界內有河川或溪峽等流水經過。而水質清潔者。固爲至善。否則池沼堰塘。亦須具備。其餘事情。荒地附近住民。其習慣職業。及其重視農業與否。皆與墾荒事業有關。又盜賊之有無。守衛之便否。亦不可不預籌者也。

一曰得人。凡事得人而理。農場亦然。但經營農場之人。當有三項。一爲具有農事上學識及經驗之人。大抵農學校畢業。服務於公私農場有年者。斯爲合格。二爲精明強幹之人。凡執行事務。監督操作。稽察勤惰。保管器械。懲戒獎勵。鈎稽進支等。皆能勝任愉快者。三爲熟悉附近農事習慣。風俗習慣。工商情弊之人。三者無缺。庶人事周矣。

一曰宗旨。宗旨當以遠大爲歸。弗因小挫折。小失敗。即萌退志。須知墾闢大業。非旦夕可成。速

則五載。遠則十年十數年。尤遠者尙不止此。但年度愈多。利益愈廣。

一曰辦法。辦法分三期。第一期開闢牧場。飼養牲畜。利其糞溺以改良土地。收其近利以資周轉。同時即開墾農田。試種各種有利之植物。以覘何者與土宜氣候等相宜。此期以二年至三年爲度。第二期實行大農制度。將第一期試驗中之成績優美。獲利豐厚者。大行栽植。以期大成。第三期兼營農產製造。以免農產品受種種之牽制。減輕其價值。凡第一期試驗未準確者。苟以爲有望之耕作。雖入第二期第三期之時日亦宜繼續試驗。以竟其功。又第二期之初年。仍不可不稍帶試植之性質。循序漸進。失敗無由矣。此外尙有一事。農家習慣。一人之力。不過耕地二畝至五六畝。每畝年獲利益十餘元至四五十元。未免過於集約。若墾荒。當持粗放主義。人力費用。皆採取極省儉者。所獲利益。對於每一畝言。當然極少。然能墾闢多數地積。則利益亦必不菲也。所謂粗放者何。一切操作。皆運用機械爲之。力少工多。能利用極大地積。非然者。土地不廣。則利益

輕微。土地廣大。則人工無算。監督管理。殊非容易。苟有不慎。百病叢生。而大利去矣。



●本省實業近事

工廠學徒畢業 嶺峨縣知事呈報縣屬工廠織科第二屆學徒李余氏等十二名於七年十

一月畢業。省長署以學徒過少。指令下屆招生。應設法增加名額。認真辦理。隨時具報。

維持官局木材業 官木採運局呈請令商滇越鐵路公司每日運木三兜。以便該局運輸。省長

署已如呈令交涉員查照辦理。

彌渡縣實業成績 該縣知事呈報縣屬實業所民國六年下半年職員經費及成績表。省長署

訓令該實業所於主辦之貧民工廠製紙廠兩項。仍舊辦理外。所籌試養山蠶。修築海塘。亦屬

當務之急。應督飭該實業員紳認真興辦。勿徒託空談。

委勘工程 省會男子職業工廠呈爲前奉指令將芙蓉會館撥爲該廠遷設地點。現已將大門修竣。內部工程已覓工包修。開單繪圖。請委員估勘。省長署當已委實業科科員前往估勘具報核辦。

考察棉蔗乳業 省立農事試驗場長兼第一牧場長楊文清呈稱親赴賓川鄧川調查棉蔗牧畜製造乳餅乳扇各情形。并選購適用乳種牛數頭解省飼養。當經省長署分令賓川鄧川縣知事保護該場長。并督飭實業員紳等導引前赴該縣植棉種蔗製糖飼養萃賣乳牛各地方。俾便切實考察。

官木廉售 官木承銷局呈擬將該局木料。照市價從廉估價出售。以廣招徠。省長署已如呈照准辦理。

發收秧籽 省長署令馬龍縣知事轉飭該縣實業員速赴省立第一苗圃領取該縣具呈請領之桑秧五千株。運回栽植。令承發籽種所將由署發下通海縣批解之松栗等籽。大理縣批解

之榆樹籽種妥爲貯藏。作苗圃育苗及分發人民播種之用。今農事試驗場承發籽種所。省農會查照安徽省長咨文。迅將本省特別優美之林木籽種各選取少許。分別填注明晰。逕寄該省森林局查收。令瀘水行政委員該員所領八角籽已由郵寄去一斤。應如法播種具報。

▲ 學 術 ▼

● 茶園培植改良

一 培壅 培壅之道無他。在於勤捍澆而已。捍澆不勤。則根本既虧。枝葉必難暢茂。捍澆每歲至少須三次。陰歷孟春夏秋及孟冬之時間。先鋤其土使鬆。並須理其土面上之草埋之。茶樹根際。然後施以肥料。肥料以草汁爲上品。（夏秋間刈取嫩大茅葉。窖於樹下尤妙。而他嫩草亦可。）犬糞次之。人糞爲普通。施肥後一二日。仍復將根頭之土壅起。則根本厚而枝葉必盛。且濃厚醇

綠香味必佳矣。此務枝培本之法也。

二整頓 茶樹最壯盛時期不過十年二十年耳。過此以往稍欠培壅必至老幹縱橫新枝寥落甚或枯槁而萎矣。不觀瓜哇日本印度錫蘭諸國乎其所植之茶樹長成之後三五年必斬割一次俾其本根之生長力日益充足故斬割之後次年發出新枝自然雄壯其葉必濃綠深厚潤澤柔軟無疑矣。此不惟外國然也。安徽茶戶有以茶樹太老之故一俟夏茶採後將樹全行斫去僅留數寸然後以稻稈結置其上以火焚之使土煖熱焚後澆以肥糞一至次年春間所斫去之樹根必叢發新枝一二年後益枝強葉茂色澤光潤深厚柔軟真有一種可愛之致其明証也。惜茶戶未深明其理不過爲偶行之事豈知此正務新除舊獲取佳茗之一大好良法也。但中外土性不同雖不必效其斬割之勤然於枯老將萎發枝不旺之樹須以舊法施之可也。

三保護 培壅整頓之後保護法不講則茶樹仍不免有受傷之虞。蓋茶樹之性頗怯嚴寒。立冬以後霜雪交加無以保護則極枝受寒威凌逼每有因而枯萎者。抑或不萎然其受逼太過次年春間發出枝葉必形單薄不能暢茂。則保護尙已。保之護法宜先於立冬時以稻稈將茶樹厚爲

束縛。縛時須順樹性。不可過緊。總以不使極枝散漫爲度。又切忌將茶樹編縛過其生長之機。一
至仲春之初。即當解其束縛。以手將茶樹撥還自然之致。以便吸收陽露。成其發榮滋長之功也。
且無特別牧場之村落。茶園四周。須編竹籬或木籬以遮護之。否則或排植以葉有針刺之樹。以
免放牛嚙去茶苗。每見茶苗屢被牛嚙。茶樹遂亦以枯萎者。

四採摘 採摘不慎。不但於保護法有所破壞。且於製造法種之惡因。採茶切忌將極枝攀下。滿
握搶持。既傷嫩枝。又多斷葉。成熟之後。茶梗纍纍。不成條線。採時必以一手扶極。一手以兩指爪
視其葉之可摘者。就葉蒂摘下。否則置之。每一茶樹。非經摘至三四次。未能竣事。故嫩枝不傷。無
兩葉相連之弊。間有夾帶在筐者。歸家後必就筐內提剔一過。及至製成毛茶時。茶梗絕少。條線
可愛。

五製造 茶戶製造時。切忌袋裝足踏。烘胚晒胚諸病。袋裝足踏。則茶葉扁裹。不能圓心。條直烘
胚晒胚。則茶葉黑紫。聞之且有烟日氣。雖本美質。變爲劣品矣。故茶戶製茶時。先宜留心採下之
茶片。如遇雨天採下者。必須攤爽。以去其數葉相貼之弊。一如晴天採下者。然而後置之鍋內炒

熟炒熟之後。置之茶床。以手揉之。揉茶之床最妙莫如用石塊（即石茶床。式長方。可容二三人並揉不定。而必鏟使平。再以小尖刻刻成橫線用之）取其揉茶不至有斷碎之弊。大約須揉至二三百次。務使其轉熟成條而後已。揉轉成條之後。謂之茶胚。又須將茶胚撒布筐內。透風使爽。然後再置鍋內。以手簸之。謂之焙茶。焙茶胚時。火力不宜大。大則茶胚收束不及。必至有貼鍋焦扁之病。一經開水沖泡。必有焦氣苦味。令人生嫌。是與日煙之氣同為劣品矣。故焙茶火力宜小。小則收束均勻。自然成條緊結。且色必漂綠。氣更芬馥。味必甜和也。

著 譯

▲法蘭西遠東總公司成立紀事

一遠東總公司發起人宣言書及進行程序

魏 懷譯

(甲)遠東總公司發起人宣言書

吾法蘭西所素昧之世界經濟大勢。經此次戰事。無不抉微索隱。凡吾國金融工商各業。至於政府。當覺悟富國之道。在於運用物產之實力。而不在於放債國外之多寡。是前此之輸金於外。今當以輸貨代之。德意志因善於輸出貨品。故能資財富足。工廠林立。鎗炮精良。戰具完備。挾此數端。幾制吾人之死命。蓋四十四年以來。講求物產。研究對外貿易。爲德人唯一之宗旨。羣策羣力。益以其國政府之鼓勵。其宗旨遂得實行。且因競爭無人。故其經濟非常充裕。大收實業界之成效。今法蘭西當以德人之宗旨。爲吾國人之宗旨。殫心竭力。合衆力以經營之。他日所成。安知不駕吾仇而上之。此乃吾國人最近腦海中之想像。亦即遠東總公司發起之緣由也。當一九一七年三月二十七號。在商部開會。由格萊曼君主席。越南總督派代表勒常特博士蒞會演說。謂迅速發展法蘭西在遠東貿易之勢力。有莫大之利益。詞旨肫摯。商部總長繼起宣言。謂吾國經此

次劇戰之後。擴充實業之勢力。當與恢復金融之原狀。相提並論。凡有利國之計畫者。政府與彼個人。無不竭力贊助。勒常特博士之演說。聽者已心悅誠服。商部總長之宣言。更大聲疾呼。謂愛國者。當以將來利國之事爲己任。尤足令人警悟。發立時着力進行之宏願。於是當場公舉滂達。暮遜鑄鐵廠之總理葛伏利君爲總理。及法蘭西大商家八十人爲發起人。組織一公司。實行上述之事件。

新公司定名爲遠東總公司。總事務所設立於巴黎奧比街二十一號。資本暫定爲一百萬佛郎。股票用記名式。計分二百股。每股五千佛郎。如董事會認爲必要時。可增加資本至五百萬佛郎。

本公司章程所定宗旨如左。

擴張法蘭西各都會各屬地與遠東（印度支那中國日本）之貿易。增進貨物之輸入輸出。利用遠東各地之天然物產。研究經營世界各國工商及金融之事項。或由本公司自辦。或代他人創辦。或與他人合辦。

訂約創辦商場租借土地各事件。

本公司或他人所發起經營各種開採公司。總公司應以財產及他項所有權讓助之。各該公司得總公司之贊助者。總公司有入股之權。所有各項利益。總公司均得沾與。

本公司最要宗旨。凡經營研究及創辦各項實業所建之工程。及所用之材料。應由本國各土廠盡力承辦。尤以本公司各股東有儘先之權。

本公司業務。由董事會經理之。各該董事對於遠東商場所經營各項工商業事件。應負代表之責任。

本公司董事會名錄（從略）

（乙）進行程序

本公司在遠東地方。尤注重印度支那。中國。日本。等處。謀擴充法蘭西輸入品之勢力。及輸出各該地之天然物產於法國。欲爲此項貿易。當在各該國之重要地方。或設立或合併或加入各種

商號。但欲使所營商業穩固不敗。當先在各該地創辦最要之運輸銀行。以免金融往來悉由外國銀行經手。險而且費。此種銀行。或從新創辦。或籌設分行。或就遠東同業中已成之基礎。設法擴充。更添設金融調查會。隨時調查。以資補助。

多購商船補助各種已成立之郵船公司。以改良法國與遠東及中國各口岸之水運。

以上兩種。如能組織完善。則金融流通。轉運迅速。爲助本公司成功之要素。此項商業。自當由法人創辦。毋庸贅言。

本公司開採鑛產。經營工業。及承辦建築各事項。當委託對於遠東各地官廳人民有信用之經理員。或久駐遠東之技師。或由法國特派人員前往經理之。

法屬印度支那之優點。尤以東京爲最。其鑛產之富。工人之衆。備值之廉。手藝之精。足爲將來吾國對外商業之中心點。有各種商品。因路程太遠。不能由法國直接輸往者。可在該地設廠製造。

中國商場交通。有天然及人工之設備。往來便易。且門戶洞開。並不我拒。本公司當加入各種業經成立。尙未發達之公司。或代該公司設立支部。以求利益。

講求實利。原爲各項實業家唯一之目的。但本公司尤宜注意。在增進本國商品之輸出。暨殖民地天產之輸入。此項必需物品。在戰事以前。吾法國均以重價轉購於外國者。此舉是不獨謀本公司之利益。且戰後凋敝之母國。其受益爲尤多矣。

(未完)



◎烘鷄鴨法

烘鷄約須二十二日 鴨約須二十八日 每年約三月半起 至六月半止 可烘三次 也有由二月間烘起 烘四次的

一收卵 烘鷄鴨所用之卵 須於產出後 趁熱收藏在盛有灶灰之罐內 其灰從燒草灶

內取出 用羅篩篩細爲要

二炒稻 烘卵須用帶皮的稻子 其稻子每日炒三次 每夜炒二次 炒好鋪在木桶內 將卵置入 再炒他桶的 以便更換 稻子宜用陳的 會炒的能用至一二十年 其色是純黑的 每炒數次 必須過篩子一次 以去浮塵 炒時以用手炒爲妙 爲的是叫他冷熱合度

三烘法 烘時須用木桶 木桶以高三尺三寸 對徑二尺三寸爲合度 桶底下先鋪炒稻一層 約放鷄卵百個 再鋪炒稻一層 又放卵百個 計每一個桶 可鋪七層 天冷時可改爲六層 儘上須蓋一層 烘鷄至十五天 鴨至二十天時 須向日光照視 其中係黑色的 即已成雛 其光明的宜剔去 補以他桶中同日之卵 烘鷄至二十天 鴨至二十五天 便不炒稻 見卵有啄成小孔的 須揀出來 另放一草盤內再過數時 啄孔漸大 雛即脫卵壳而出 也有不能脫壳的須用人手破之 小鷄小鴨初出壳時 不可教他飲水 着濕地 或受冷爲要（喂養法另詳）

如欲訂閱本週刊 請赴長公署接洽一切爲盼

本週刊編輯處謹白